

## AUGLÝSING

### um skrá Rangárvallahrepps skv. 19. gr. laga nr. 94/1986.

Eftirtaldir eru undanþegnir þátttöku í verkfalli skv. 19. gr. laga nr. 94/1986 sbr. staðfestingu Félags opinberra starfsmanna á Suðurlandi dagsettri 19. janúar 1995:

Sveitarstjóri.

Launafulltrúi.

Verkstjóri áhaldahúsi.

*Rangárvallahreppi, 26. janúar 1995.*

**Guðmundur Ingi Gunnlaugsson,**  
sveitarstjóri Rangárvallahrepps.

## REGLUGERÐ

### um kartöfluútsæði.

#### I. KAFLI

#### Orðaskýringar.

##### 1. gr.

Merking orða er í reglugerð þessari sem hér segir:

*Afbrigði:* Samheiti yfir plöntur sem allar eru af sömu eða svipaðri arfgerð. Þetta geta verið afkomendur eftir kynjaða víxlun (dæmi: Bintje og Première) eða afkomendur kartafna sem hafa verið lengi í ræktun (dæmi: Rauðar íslenskar og Gullauga).

*Græðlingur:* Hluti stönguls með minnst einu laufblaði og einu brumi (enda- eða axlarbrumi). Að fenginni rótarmyndun verður græðlingur að sjálfstæðri plöntu.

*Kartöfluútsæði eða útsæði:* Stöngulhnýði kartöflujuartarinnar sem viðurkennd hafa verið til niðursetningar skv. skilyrðum reglugerðar þessarar.

*Klón:* Samheiti yfir plöntur sem með kynlausri vaxtaræxlun eru afkomendur sömu plöntu eða sama plöntuhluta.

*Ræktunarland:* Allt land sem notað er af sama framleiðanda og þar sem notaðar eru sömu vélar, hvort sem þetta land er hans eigið eða ekki.

*Stofnræktandi:* Ræktandi sem útsæðisnefnd hefur viðurkennt sem framleiðanda stofnútsæðis.

*Stofnútsæði:* Skiptist í,

*Úrvalsútsæði (S-stofn):* Útsæði sem til er orðið við úrval og á uppruna að rekja til eins eða fleiri vaxtarbrodda. Ekki mega vera fleiri en fimm hnýðisættliðir frá vaxtarbroddi, þar af mest fjórir ættliðir í útiræktun. Útsæðið skal uppfylla þau skilyrði sem sett eru fyrir úrvalsútsæði í viðauka 1 og 2.

*Eðalútsæði (E-stofn):* Útsæði sem komið er af úrvalsútsæði. Ekki mega vera fleiri en þrjú hnýðisættliðir frá úrvalsútsæði. Útsæðið skal uppfylla þau skilyrði sem sett eru fyrir eðalútsæði í viðauka 1 og 2.